

أُرْجِعْـي يَالِيَالِي الطِّفِّ أَقْمَارَ الحَزِينِ
أَوْجِعْـي صَدْرِي الطَّامِي بِآلَامِ الحُسَيْنِ
جَالِينِي بِالمَصِيبِ الكَرْبَلَائِي
طَهِّرِي قَلْبِي بِأورَادِ البُكَاءِ
بمَآسِي نِينَوِي هُزِّي ضَمِيرِي وَشُعُورِي بَانكسَارِي
وَاجعَلِي فِي خدْمَةِ المولى نُذُورِي وَحُضُورِي وَشِيعَارِي

أشـعـلِي قَبساً لِلعُمُرِ مِنْ تَلِكِ الحِكَايَةِ
وَاجعَلْـي أَبداً بَيْنِي وَبَيْنَ الطِّفِّ آيَةً
فَإِذَا مَا نَظَرْتُ لِلْمَاءِ عَيْنِي
جَرَّتِ العَبْرَاتُ مِنْ ذِكْرِ الحُسَيْنِ
وَإِذَا حَانَ عَنِ الدُّنْيَا غِيَابِي وَمَضَى بِي المَوْتُ يَسْعَى
لِحُسَيْنٍ مَا تَمِي تَحْتَ التُّرَابِ فِي اغْتِرَابِي صِرْتُ أَنعَى

فِي يَوْمِ الحُسَيْنِ مَا بَدَلْتُ نَحْرِي
لَوْ فِي نَعِيهِ قَدْ خَتَمْتُ عُمْرِي
فَمَا صَوْتُ ذِكْرَاهُ أَلْهَبُ جُرُوحِي
فَمَا كُنْتُ بِالطِّفِّ تَفْدِيهِ رُوحِي
لَكِنَّ أَدْمَعِي لِلقِيَامِ تَجْرِي
أَلْقَى رَحْمَةً فِي نُزُولِ قَبْرِي
أَمْتَنِي عَلَي نَهْجِ ذَاكَ الذَّبِيحِ
إِلَى المَوْتِ وَاللَّهِ أَشْكَو بِنُوحِي

هَذِي كَرِبلاً مَقْصِدُ الحَيَارَى
عِشْنَا حُزْنَهَا فِي الفُؤَادِ نَارَا
خُلِقْنَا عَلَي جُرْحِ خَطْبِ مَهُولِ
عَلَى العَهْدِ مَاضِينَ فِي كُلِّ جَيْلِ
مَنْ مَنَّبَرَهَا نَرْتَوِي صِغَارَا
مِيرَاتِ الأَسَى فِي الدِّمَا تَجَارَى
فَبَيْنَ البُكَاءِ وَالأَسَى وَالذَّهُولِ
وَمَا عَادَرْتُنَا دِمَاءُ القَتِيلِ

لَوْلَا حُسَيْنٌ مَا جَعَلْنَا العِزَّ شِيَا حُوراً دَمِيَا
مَنْ غَيْرُهُ يَبْعَثُ هَذَا القَلْبَ حَيَا

لَوْلَا حُسَيْنٌ لَمْ يَكُنْ لِلطَّهْرِ مَأْوَى وَالقَلْبِ يَهْوَى
سُبْحَانَ مَنْ أَنْشَأَهُ جُرْحاً وَسَوَى

اللَّهُ أَحْيَانَا بِهِ مِنْ ثُورَةِ الدَّمِّ مِنْ كُلِّ مَآتَمِ
قَدْ جُنْدَتْنَا لِلْفِدَا ذِكْرِي المُحَرَّمِ

وَاللَّهُ لَا نَنْسَاهُ وَالتَّارِيخُ يَعْلَمُ بِالحُزَنِ نُلْهَمُ
قَدْ سَمِعَتْ أرواحُنَا نَحراً تَكْلَمُ

يا حــــــــــــسين ياللي باذل دمه للباري وكتابه
يا غريب كل جرح عدنا يرجعنا لمصابه

تضوي شمس الكون من نحره ودماءه
بيوم عاشر سمعت الدنيا نداءه

ياللي قدم صفوة انصاره وبنينه بهالرزيه وگلبه صابر
ينظر الهم كمن تغفر جبينه بهالوطيئة وماله ناصر

يا حــــــــــــين هذا جاسم عايف آماله وشبابه
يا غريب هالعريس يريد من دمه خضابه

يطلبك تاذن له في حرب آل اميه
بها الامر عنده من الوالد وصيه

انظر العينه ترف عزة وكرامه من الحسن نف حة بطوله
رايد ابدمه يجي بيوم القيامه تنظره أم اله البتوله

هذا ابن الحسن وارث الغيارى صابر تلتظي في ضلوعه ناره
كل همه الوفا ويگصد المعاره ويعلن بالدماء قصة انتصاره
ترجاك وگلبه يذوب بحنينه وتدعي له بالنصرة أمه الحزينه
برمح يرتفع راسه يزهر جبينه وابد لا تفوته السعادة بيقينه

لحظات التمر حيرتك تعذبك ايعينك بالالم والرزيه ربك
جاسم ينتظر بالاذن يطلبك لكن منكسر على حاله گلبك
ف گلبك يبو سكينه ثارت خواطر ذكرت الحسن والدمع بالمحاجر
وتظل ابامر جاسم وعزمه حاير تسلمه للحتوف و ضيم البواتر

جاسم تهلل وجهه من شاف الوصية لــــدرب المنية
اقسم يواسي بمصرعه الزهرة الزجية

يهجر حياته وظلمة الدنيا الدنية وبالغاضــــــــــــــــرية
ويم جسم ابو الاكبر يظل جثة رمية

هذا الامل بعيونه يتوهج بالعزوم والموعــــــــــــــــد الــــــــــــــــيوم
بيذل نفيس الروح في نصرة المظلوم

ومن هالسعادة والشرف ما يظل محروم والموعــــــــــــــــد الــــــــــــــــيوم
ودم النحر يقبله البارقيوم

ما تهون وانت آيات الحسن تجري اويا دمك
شما يكون توگف بوجه الطغاة بسيف عزمك
ما ترد بلحظة عن درب المطاعين
مبدئك بالدم ترسمه بنصرة الدين

الطهر والنور لك اقدس هوية حيدريية من معانيك
بالنزيفك زلزل عروش آل امية الغاضرية تشتعل بيك

من وفك بالحرب حگه يتفاخر بيك عمك
وبفدك للحسين استبشرت بالفوز امك

شاب ومن هيبة جلالك تدمع العين
يا اللي كل ذرة بوجودك تعشگ حسين

ياللي من عباس تستلهم حمية هاشمية مأتكرر
وبصمودك شامخ بوجه الاعادي من تنادي بثار لكبر

حبك للحسين يلهب الضماير مو بس بالدمع عاطفة ومشاعر
حبك معتقد ينبت الشهادة اموقع بالدم وكتبت له المناحر
يفارس عظيم الشرف بيه تمثل يمنهج عشگ بالمواقف ترتل
اذا عنك الدنيا بالحومة تسأل تشوف الغضب عالاعادي تنزل

يال خضت الحرب تشتعل مهولة يال خضت الحرب تشتعل مهولة
تذكر دعا الوالدة الثكولة تتذكر دعا الوالدة الثكولة
إلك راية تزهرف بالبطولات يك راية تزهرف بالبطولات
يجاسم تصول بعزم تصنع آيات يجاسم تصول بعزم تصنع آيات

تحمل عليهم و الفضا يتزاحم صفوف وتموج لطفوف
وانت نجل حيدر علي بالشدة معروف

تترادف رماح الظلم وسهام الحتوف وتتمايل سيوف
وگلبك يثور بشوگه لا ما يدخله الخوف

بعزة وصلابة ياللي نهر حسين رواك وتواجه اعداك
ما ترهب جنود الظلم ويرفرف لواك

اخلاصك اليوم انكتب عهدك لمولاك من فايض دماك
نحرك هتاف التلبية والناعي ناداك